

## STATUT

### I SHOQERISE ME PERGJEGJESI TE KUFIZUAR “VËLLEZËRIT KASA COMPANY“ SHPK

#### KREU I

Themelimi, Emri, Objekti, Kohëzgjatja dhe Selia

#### Neni 1: Data e themelimit, Emri dhe Themeluesit

Sot më datë 11.06.2020, në mbështetje të legjislativit shqiptar respektivisht Ligji Nr.9901, datë 14.04.2008 “Për tregtarët dhe shoqëritë tregtare” dhe Ligji Nr. 9723, datë 03.05.2007 “Për Qendrën Kombëtare të Regjistrimit”, ne Ortaket e Shoqerise me pergjegjesi te kufizuar **“VËLLEZËRIT KASA COMPANY“ SHPK**, formulojme Statutin e saj, si me poshte vijon,

Ortakët e shoqërisë janë:

1. **Lulzim KASA**, i datëlindjes 10.05.1982, lindur ne Puke , madhor dhe me zotesi te plete per te vepruar, me numër identifikimi karte identiteti I20310121F
2. **Fatjon KASA**, i datëlindjes 09.05.1987, lindur ne Tropoje , madhor dhe me zotesi te plotë per te vepruar, me numër identifikimi karte identiteti I70509009Q

#### Neni 2: Objekti

Shoqëria do të ushtrojë veprimtarinë si vijon:

- Veprimtari ne fushen e ndërtimit dhe rikonstruksionit te objekteve civile, turistike, shëndetsore, kulturore, tregtare, sportive, industriale, vepra kullimi, ujitje, rrugë, kanalizime, punime infrastrukture, porte, asistencë dhe ekspertizë teknike, etj. Punime te tokes dhe ndertime muresh, ndertim, kompletim te impianteve dhe perfundim te tyre, vepra restaurimi, ndertim te asfaltit.
- Ne fushen e turizmit shoqëria do te kryeje studimin, projektimin, konsulencen , sipermarrjen zbatuese dhe investimin, sipas rastit per realizimin me fonde

publike dhe jopublike te infrastruktureve dhe te pjesave perberese te saj per shfrytezim njerezor me karakter pushues, argetues, edukues, dhe kurues, te burimeve natyrore , kulturore mjedisore kurative, te Shqiperise , per realizimin e hotelerise, fshate turistike, qendra turistike e te tjera dhe krijimin e faciliteteve dhe aksesoreve te nevojshem si bar-bufe restorante , qendra estetike, palestra fitnesi , njesi te shitjeve te konfeksiioneve dhe prodhimeve ushqimore e industriale e te tjera te kesaj natyre.

- Import-Eksport i materialeve te ndertimit brenda dhe jashte vendit per vete dhe per te trete, ndertim te impjanteve dhe te stabilimenteve per prodhimin dhe furnizimin e lendeve te para dhe te materialeve te ndertimit te cdo lloji.
- Te kryeje blerjen, shitjen, ndertimin, administrimin dhe shkembimin e pasurise se palevizhme.
- Tregtim automjetesh te ndryshme te reja ose te perdonura dhe pjesave te kembimit per to.
- Import- eksport me shumice e pakice mallra te ndryshme industriale, ushqimore, konfeksiione, bujqesore, drusore, mobileri, pajisje e makineri te ndryshme, etj.
- Transport brenda dhe jashte vendit per vete dhe per te trete.
- Shoqeria sipas nevojave te aktivitetit ka te drejten e ushtrimit te çdo aktiviteti te ligjshem, te lejueshem per formen e shoqerise, e cila nuk ndalohet me ligj(sipas nenit 7 te Ligjit nr.9901,dt.14.04-08).

#### **Neni 3: Kohëzgjatja**

Kohëzgjatja e shoqërisë do të jetë pa afat.

#### **Neni 4: Selia**

Selia e shoqërisë do të jetë:

**Nikel, Tapize, Rruga Nacionale, Zona Kadastrale 3562, Ndertese private  
njekateshe nr. Pasurie 1, Durres.**

Shoqeria mund të hapë edhe seli të tjera operativc, filiale, përsaqësi dhe agjensi në të gjithë territorin e Shqiperise si dhe jashtë saj, në përputhje me legjislacionin shqiptar dhe ligjet e vendeve ku ato hapen.

**Kreu II**  
**Kapitali i regjistruar**  
**Neni 5: Vlera dhe pagesat e kapitalit të regjistruar**

Kapitali i shoqërisë është **100.000 (njeqindmije) Lekë**, i ndarë në 2 kuota. Kontributi i ortakëve në kapitalin e shoqërisë është vlerësuar sipas të dhënave të mëposhtme:

**Lulzim Kasa**, është zotërues i 1 kuote, me 50% pjesmarrje në kapitalin e shoqërisë me vleren 50.000 leke.

**Fatjon Kasa**, është zotërues i 1 kuote, me 50% pjesmarrje në kapitalin e shoqërisë me vleren 50.000 leke.

**Neni 6: Pagesa e kuotave**

Administratorët mund t'i kërkojnë ortakëve pagimin e kontributeve në para të pashlyera në lidhje me kuotat e tyre.

Në rast të mos shlyerjes së kontributeve, sipas përcaktimit të administratorit, personi përgjegjës do të paguajë një kamatë vonësë mbi shumën e papaguar me interes prej 4% në vit.

**Neni 7: Kalimi i kuotave**

Kalimi i kuotave dhe i të drejtave që rrjedhin prej tyre, mund të bëhet me:

- kontratë shitblerje,
- dhurim
- trashëgimi
- me çdo mënyrë tjetër të parashikuar me ligj.

**Neni 8: Zmadhimi e zvogëlimi i kapitalit themeltar**

Asambleja e Përgjithshme, me shumicë të kualifikuar, mund të zmadhojë kapitalin themeltar të shoqërisë duke rritur kuotat e ortakëve ekzistues në shumën e përcaktuar në vendimin përkatës. Zmadhimi i kapitalit me qëllim pranimin e ortakëve të rinj në

shoqëri, miratohet nga Asambleja e Përgjithshme me shumicën e kualifikuar të votave të ortakëve.

Shoqëria mund të vendosë zvogëlimin e kapitalit themeltar të shoqërisë me vendimin e Asamblesë së Përgjithshme, të marrë me shumicë të kualifikuar të votave.

### Kreu III

#### Asambleja e përgjithshme

##### **Neni 9: Të drejtat dhe detyrimet**

Asambleja e Përgjithshme është përgjegjëse për marrjen e vendimeve për shoqërinë për çështjet e mëposhtme:

- a) përcaktimin e politikave tregtare të shoqërisë,
- b) ndryshimet e statutit,
- c) emërimin dhe shkarkimin e administratorëve,
- d) emërimin dhe shkarkimin e likujdatorëve dhe ekspertëve kontabël të autorizuar,
- e) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë,
- f) zmadhimin dhe zvogëlimin e kapitalit,
- g) pjesëtimin e kuotave dhe anulimin e tyre,
- h) përfaqësimin e shoqërisë në gjykatë dhe në procedimet e tjera ndaj administratorëve,
- i) riorganizimin dhe prishjen e shoqërisë,
- j) miratimin e rregullave procedurale të mbledhjeve të asamblesë,
- k) çështje të tjera të parashikuara nga ligji apo statuti.

##### **Neni 10: Thirrja e Asamblesë së Përgjithshme**

- a) Asambleja e Përgjithshme thirret nga administratori të paktën 2 herë në vit, për të miratuar përkatësisht bilancin vjetor të mbyllur dhe bilancin vjetor parashikues.

- b) Mbledhja e Asamblesë së Përgjithshme thirret nëpërmjet një shkresë dërguar çdo ortaku me postë të zakonshme ose mesazh elektronik. Njoftimi duhet të kryhet të paktën 7 ditë përpara datës së caktuar për mbledhjen.
- c) Ortakët, që zoterojnë të paktën 5% të kapitalit të regjistruar kanë të drejtë të thërrasin mbledhjen e Asamblesë së Përgjithshme nëpërmjet administratorit ose edhe pa ndërmjetësimin e tij.

#### **Neni 11: Mbledhjet e Asamblesë së Përgjithshme**

- a) Mbledhja e Asamblesë është e vlefshme nëse në të marrin pjesë ortakë që zoterojnë më shumë se 30% të aksioneve, për të vendosur për çështje të zakonshme. Në këtë rast vendimi i Asamblesë është i vlefshëm nëse është votuar nga shumica e votave të ortakëve pjesmarrës.
- b) Mbledhja e Asamblesë, për të vendosur për çështje të veçanta si: ndryshimi i statutit, zmadhimi ose zvogëlimi i kapitalit të regjistruar, shpërndarja e fitimeve, riorganizimi dhe prishja e shoqërisë, është e vlefshme nëse në të marrin pjesë ortakë që zoterojnë më shumë se 50% të kuotave. Në këtë rast vendimi i Asamblesë është i vlefshëm nëse është votuar nga jo më pak se tre të katërtat e votave të ortakëve pjesmarrës, (c cilësuar në këtë statut si “shumicë e kualifikuar”).
- c) Mbledhja e Asamblesë drejtohet nga administratori nëse është e thirrur prej tij. Nëse Asambleja e Përgjithshme është thirrur nga pakica, atëherë ajo kryesohet nga njëri nga ortakët e zgjedhur nga pjesëmarrësit në atë mbledhje.
- d) Administratori pavarësisht se nuk është ortak, ka të drejtën e pjesëmarrjes si edhe të marri fjalën në çdo mbledhje të Asamblesë së Përgjithshme.

#### **Neni 12: Votat e Pjesëmarrësve**

- a) Çdo ortak ka të drejta vote ne perpjeshim me vleren nominale te kuotes se tij.
- b) Asnjë ortak nuk voton në mbledhjen e asamblesë së përgjithshme nëse nuk ka shlyer tërësisht detyrimet, që kanë të bëjnë me kuotat, që ai disponon.

### **Neni 13: Emërimi i Administratorit**

- a) Administrimi si dhe persaqesimi I shoqerise I besohen nje ose me shume Administratoreve qe mund edhe te mos jene ortake.
- b) Administratori emerohet per 5- vjet nga regjistrimi I shoqerise prane QKR-se, me te drejte riperteritje, me perjashtim doreheqje apo shkarkimi nga ana Asamblese.
- c) Detyra e Administratorit te vetem i ngarkohet z. **Lulzim Kasa**, te cilit i jepet e drejta e firmes dhe e persaqesimit e shoqerise.
- d) Asambleja e Përgjithshme mund te shkarkojë në çdo kohë Administratorin nga detyra, me shumicë të zakonshme votash, me kusht që në mbledhje të marrin pjesë ortakët me të drejtë vote, që zoterojnë më shumë se 30% të kuotave

### **Neni 14: Kompetencat e Administratorit**

Administratori ka të drejtë dhe detyrohet:

- a. të kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga Asambleja e Përgjithshme,
- b. të përsaqësojë shoqërinë,
- c. të kujdeset për mbajtjen e saktë e të rregullt të dokumentave dhe të librave kontabël të shoqërisë,
- d. të bëjë të mundur përgatitjen nga specialisti i ngarkuar dhe të nënshkruajë bilancin vjetor parashikues për vitin e ardhshëm, për tu miratuar nga Asamblea e Përgjithshme, brenda dates 20 tetor të vitit paraardhës.
- e. të bëjë të mundur përgatitjen nga specialisti i ngarkuar dhe të nënshkruajë bilancin vjetor të myllur, për tu miratuar nga Asamblea e Përgjithshme, brenda dates 20 mars të vitit të ardhshëm dhe raportin e ecurisë së veprimtarisë dhc, së bashku me propozimet për shpërndarjen e fitimeve, i paraqet këto dokumente përpara Asamblesë së Përgjithshme për miratim,
- f. të krijojë një sistem monitorimi e njofitimi të hershëm për rrethanat që kërcënojnë mbarëvajtjen e veprimtarisë dhe ekzistencën e shoqërisë,
- g. të kryejnë regjistrimet e publikimet e detyrueshme të të dhënavë të shoqërisë,

- h. tē raportojë pērpara Asamblesë së Përgjithshme nē lidhje me zbatimin e politikave tregtare dhe me realizimin e veprimeve tē posaçme me rëndësi tē veçantë pēr veprimitarinë e shoqërisë tregtare,
- i. tē kryejë detyra tē tjera, tē përcaktuara nē ligj dhe statut.

### **Neni 15: Mbledhjet e Administratorit**

Administratori kujdeset që nē libra tē posaçëm tē mbajë proces verbalet e tē gjitha takimeve tē kryera nga ai, si dhe tē gjitha mbledhjet e Asamblesë së Përgjithshme.

### **Kreu VI**

#### **Shpërndarja e fitimit vjetor të shoqërisë**

##### **Neni 16: Shpërndarja e fitimit vjetor**

- a) Pjesa e fitimit që i takon secilit ortak nga vlera e fitimit vjetor tē deklaruar nē pasqyrat financiare tē shoqërisë, vendoset tē shpërndahet nga asambleja e përgjithshme.
- b) Asambleja e Përgjithshme ka kompetencë t'u shpërndajë ortakëve pjesën e fitimit nē raport me vlerën e kapitalit tē regjistruar, që kuotat e secilit ortak përfaqësojnë.
- c) Po ashtu, Asambleja e Përgjithshme mund tē vendosë që një pjesë e fitimit vjetor tē mos u shpërndahet ortakëve, por këto shuma tē përdoren pēr zmadhimin e kapitalit fillesttar apo pēr qëllime tē tjera, tē cilat ajo i konsideron tē dobishme pēr shoqërinë.

### **Kreu VII**

#### **Prishja dhe njoftimet**

##### **Neni 17: Prishja dhe likuidimi**

- a) Në rast tē likuidimit tē shoqërisë, Asambleja e Përgjithshme emëron një likuidator, i cili administron shoqërinë deri nē mbylljen e procesit tē likuidimit.
- b) Me vendimin e posaçëm tē Asamblesë së Përgjithshme, tē marrë me shumicë tē kualifikuar, pasi janë shlyer detyrimet ligjore ndaj kreditorëve tē shoqërisë, likuidatori shpërndan pjesën e mbetur tē pasurisë së shoqërisë ndërmjet ortakëve,

Kjo shpërndarje e fundit bëhet në raport me vlerën e kapitalit të regjistruar, që kuotat e secilit ortak përfaqësojnë.

#### **Neni 18: Ftesa për kreditorët**

Likuiduesit duhet të ftojnë kreditorët për të depozituar pretendimet e tyre për prishjen e saj. Shoqëria e publikon dy herë këtë njoftim, me një interval prej 30 ditësh, në faqen e saj të internetit, si dhe në faqen e internetit të Qendrës Kombëtare të Regjistrimit. Në njoftim duhet dekluaruar se pretendimet duhet të depozitoohen brenda 30 ditëve nga data e njoftimit të fundit.

#### **Neni 19: Përfundimi i likuidimit**

- Pas shpërndarjes së aktiveve të mbetura, likuiduesi e njofton Qendrën Kombëtare të Regjistrimit për përfundimin e likuidimit dhe kërkon çregjistrimin e shoqërisë
- Veprimtaria e likuiduesit nuk mund të kundërshtohet pas çregjistrimit të shoqërisë nga Qendra Kombëtare e Regjistrimit.

#### **Neni 20: Dispozitat e fundit**

Shoqëria do të ushtrojë aktivitetin e saj në përputhje me normat e këtij statuti.

Për çdo gjë tjeter, që nuk është shkruar shprehimisht në këtë statut, zbatohet legjislacioni në fuqi për shoqëritë tregtare, për QKR-në si dhe çdo ligj tjeter mbi veprimtarinë e shoqërive me përgjegjësi të kufizuar.

Ortaket e Shoqerise

**Lulzim KASA**



**Fatjon KASA**

